

初真戒律序

夫

虛皇大道秘密靈文

高聖太真清都玉律萬聖寶重萬靈佩奉非金骨玉名者不得輕遇亦不得輕受也戒者禁止之辭益善止惡皈真捨妄之謂也音

虛皇道君愍念大地眾生逐利馳名貪著聲色不知禍福因緣自貽多生罪咎大啟慈悲救度沈溺故傳演戒律經教開化法界人天爲植福修因之慧炬登真入道之慈航也代代相承師師相授道藏列欵有載矣後因秦火大變道經戒律十損八九道藏輯要

初真戒

五

張集七

科條門列止存一二故此近代以來戒法日廢至於今日間有得傳者萬萬一二矣雖然萬代不磨之玄律亦未嘗終於湮沒也今感集眾善茂闡

玄元之化益宏清靜之宗可知時至之妙在斯一舉將來之望在於今日也遂告余從事余因崇禎初歲雲蹤於楚謁九宮山復陽趙真人親授戒法得其領要故不避僭妄之罪按法於丙申歲三月望日就

白雲觀設立戒壇傳戒演鉢上祝

當今聖主帝道遐昌下祈宰官士庶身家胥慶接續先宗啟至聖度世之本願提携後進開道流無妄之真風入戒者果能磨

勵身心覩身世若浮雲之變精勤戒行以戒律爲急務之修了  
生死之大事盡性命之眞常雖有饑寒風暑切身之苦不易其  
操雖有死生困辱臨難之變不奪其志實際眞宗加功著力業  
累自是冰消功勳自是日就一身戒行自然融通於變化之中  
半句律言亦可出沒於陰陽之內天堂地獄渾然成戒子之家  
風日月星辰都是我心中之活計駕景凌虛不爲尙也倘若教  
衍天長宗傳地久首則默佐於  
王綱次則歸功於眾善也

時

順治十三年歲次丙申西晉上黨傅戒道士崑陽子王常月撰

道藏輯要

初眞戒

卷

張集七